

**UNIVERZITET U SARAJEVU
VETERINARSKI FAKULTET**

Broj: 04-02-715-1/18
Sarajevo, 11.10.2018. godine

Na osnovu člana 135., a u vezi sa članom 48. stav (3) Zakona o visokom obrazovanju Kantona Sarajevo („Službene novine Kantona Sarajevo broj: 33/17), Nastavno-naučno vijeće Veterinarskog fakulteta Univerziteta u Sarajevu, na svojoj 10. redovnoj - elektronskoj sjednici održanoj od 10. do 11.10. 2018. godine, donosi

ODLUKU
o usvajanju Poslovnika o radu Vijeća specijalističkog studija Univerziteta u Sarajevu - Veterinarskog fakulteta

Član 1.

Usvaja se Poslovnik o radu Vijeća specijalističkog studija Univerziteta u Sarajevu - Veterinarskog fakulteta.

Član 2.

Poslovnik o radu Vijeća specijalističkog studija Univerziteta u Sarajevu - Veterinarskog fakulteta sastavni je dio ove Odluke.

Član 3.

Ova Odluka stupa na snagu danom donošenja.

Obrazloženje

Nastavno-naučno vijeće Veterinarskog fakulteta na svojoj 10. redovnoj elektronskoj sjednici održanoj od 10. do 11.10.2018. godine razmatralo je prijedloge Vijeća specijalističkog studija sa 1. redovne sjednice održane 05.10.2018. godine, koje je dostavilo prijedlog Poslovnika o radu Vijeća specijalističkog studija na dalju proceduru. Na osnovu navedenog Nastavno-naučno vijeće odlučilo je kao u dispozitivu.

Akt pripremila, obradila i
potvrđuje usklađenost
sa zakonskim i podzakonskim aktima


Sabrina Grbo, mr.iur.

DEKAN


Prof. dr. Nihad Fejzić

DOSTAVITI:

1. Prodekanu za naučnoistraživački rad,
2. Rukovodicu i zamjeniku rukovodioca Vijeća,
3. Rukovodiocima smjerova,
4. Odjeljenju za opće, pravne i personalne poslove,
5. Odjeljenju za studentske poslove,
6. U evidenciju,
7. a/a.



UNIVERZITET U SARAJEVU
VETERINARSKI FAKULTET

**POSLOVNIK O RADU VIJEĆA SPECIJALISTIČKOG
STUDIJA
UNIVERZITETA U SARAJEVU - VETERINARSKOG
FAKULTETA**

Oktobar, 2018. godine

Na osnovu člana 135., a u vezi sa članom 48. stav (3) Zakona o visokom obrazovanju Kantona Sarajevo („Službene novine Kantona Sarajevo broj: 33/17), Nastavno-naučno vijeće Veterinarskog fakulteta Univerziteta u Sarajevu, na svojoj 10. redovnoj - elektronskoj sjednici održanoj od 10. do 11.10. 2018. godine, donosi

POSLOVNIK O RADU VIJEĆA SPECIJALISTIČKOG STUDIJA UNIVERZITETA U SARAJEVU - VETERINARSKOG FAKULTETA

I OPĆE ODREDBE

Član 1.

Poslovníkom o radu Vijeća specijalističkog studija Univerziteta u Sarajevu - Veterinarskog fakulteta (u daljem tekstu: Poslovnik) uređuju se pitanja: organizacije Vijeća specijalističkog studija na Univerzitetu u Sarajevu-Veterinarskom fakultetu i njegove nadležnosti (u daljem tekstu: Vijeće studija), način rada, pripremanje, sazivanje i tok sjednica Vijeća, te druga pitanja od važnosti za rad i funkcioniranje specijalističkog studija.

Član 2.

Odredbe ovog Poslovnika obavezne su za sve članove Vijeća studija kao i ostale stručne osobe koje učestvuju u radu Vijeća studija, te druga pomoćna tijela.

II SASTAV I NAČIN RADA VIJEĆA SPECIJALISTIČKOG STUDIJA

Član 3.

Vijeće studija čine svi rukovodioci i/ili zamjenici rukovodioca smjerova i prodekan za naučnoistraživački rad.

Vijećem studija predsjedava rukovodilac ili zamjenik rukovodioca koje imenuje Nastavno-naučno vijeće na prijedlog članova Vijeća studija.

Član 4.

Vijeće studija radi i odlučuje na sjednicama koje se sazivaju po potrebi a poštivajući Akademski kalendar.

Kada se radi o raspravljanju i odlučivanju o pitanjima koja zahtjevaju hitno odlučivanje (pitanja koja ne trpe odlaganje), što u konkretnom slučaju cijeni rukovodilac, izuzetno se može sazvati vanredna sjednica Vijeća specijalističkog studija.

Redovna ili vanredna sjednica može se sazvati i održati elektronskim/telefonskim putem.

Član 5.

Redovne sjednice Vijeća studija označavaju se rednim brojem uz naznačeno vrijeme i mjesto održavanja.

Vanredne sjednice Vijeća studija označavaju se kao "vanredna sjednica" sa naznačenim rednim brojem te mjestom i vremenom održavanja.

Član 6.

Sjednicama Vijeća studija su obavezni prisustvovati svi članovi.

U slučaju spriječenosti prisustvovanja sjednici Vijeća studija, zamjenici rukovodioca smjerova obavezni su prisustvovati istoj.

III NADLEŽNOST I NAČIN ODLUČIVANJA

Član 7.

Vijeće studija je nadležno za donošenje prijedloga akata Nastavno-naučnom vijeću o svim nastavnim i stručnim pitanjima studija a koja su u skladu sa Elaboratom i drugim relevantnim podzakonskim aktima. Na sjednicama Vijeća studija prijedlozi se izglasavaju većinom glasova od ukupnog broja članova Vijeća studija koje se vrši javnim glasanjem - podizanjem ruke, i/ili izjašnjavanjem pismenim ili usmenim putem u slučaju održavanja sjednice elektronskim/telefonskim putem.

IV PRIPREMANJE I SAZIVANJE SJEDNICE

Član 8.

Pripremanje i sazivanje sjednice Vijeća studija organizuje i obavlja rukovodilac vijeća studija u saradnji sa zamjenikom, ostalim članovima i u saradnji sa nadležnim službama.

Član 9.

Dnevni red sjednice Vijeća studija utvrđuje rukovodilac na osnovu pristiglih pisanih materijala i podnesaka, odnosno prijedloga u saradnji sa nadležnim službama.

Materijali za sjednicu Vijeća studija dostavlja se kontinuirano, a najkasnije dva dana prije zakazivanja sjednice Vijeća studija.

Poziv za sjednicu mora biti dostavljen svim članovima Vijeća najkasnije dva (2) dana prije datuma određenog za održavanje sjednice.

Član 10.

Poziv za sjednicu Vijeća studija treba sadržavati oznaku rednog broja sjednice, mjesto i vrijeme održavanja sjednice, te predloženi dnevni red.

Uz poziv za sjednicu prilaže se Zapisnik sa prethodne sjednice i pisani materijali za pojedine tačke predloženog dnevnog reda.

Poziv i materijali za sjednicu upućuju se članovima Vijeća studija elektronskim putem.

Član 11.

Poziv za sjednicu Vijeća studija može se uputiti i drugim licima koja trebaju iznijeti potrebna obrazloženja po pojedinim tačkama dnevnog reda bez prava glasa.

Rukovodilac određuje lice iz stava (1) ovog člana koje treba pozvati na sjednicu Vijeća studija.

Član 12.

Sjednica Vijeća studija se može održati ako je na sjednici prisutno više od polovine ukupnog broja članova Vijeća studija (kvorum).

Kvorum se utvrđuje na osnovu uvida u listu prisutnih članova Vijeća studija.

Član 13.

Rukovodilac otvara sjednicu Vijeća studija, utvrđuje da li je na sjednici prisutan potreban broj članova i podnosi prijedlog dnevnog reda na razmatranje.

Član 14.

Odluku o utvrđivanju dnevnog reda donose članovi Vijeća studija većinom glasova od ukupnog broja članova Vijeća studija.

Nakon utvrđivanja dnevnog reda prelazi se na raspravu i odlučivanje o pojedinim tačkama dnevnog reda na način da rukovodilac daje riječ izvjestiocima po tačkama dnevnog reda i to redom kojim su utvrđene u prihvaćenom dnevnom redu.

Član 15.

Pravo učešća u raspravi imaju svi članovi Vijeća studija redom kojim su se javljali rukovodiocu za riječ. Učesnici u raspravi obavezni su pridržavati se sadržaja tačke dnevnog reda.

Učestvovanje u raspravi o jednoj tački dnevnog reda za sve članove Vijeća studija, osim rukovodioca i izvjestioca, u pravilu može trajati 3 minute.

Član 16.

Izvjestilac je obavezan jasno obrazložiti sadržaj predmeta kojeg izlaže kao i prijedlog odluke.

Član 17.

O radu na sjednici Vijeća studija vodi se zapisnik.

Zapisnik vodi lice koje odredi rukovodilac.

Zapisnik sa sjednice Vijeća studija ovjerava svojim potpisom rukovodilac i lice iz prethodnog stava ovog člana.

Član 18.

Zapisnik sa prethodne sjednice dostavlja se članovima Vijeća studija uz poziv i materijale za iduću sjednicu.

Svaka sjednica započinje ovjerom Zapisnika sa prethodne sjednice.

Svaki član Vijeća studija ima pravo zatražiti da se Zapisnik sa prethodne sjednice ispravi ili dopuni.

Zapisnik sa sjednice, sa svim materijalima odlaže se u arhivu Vijeću studija.

V ZAVRŠNE ODREDBE

Član 19.

Za pripremanje, proučavanje, davanje stručnih mišljenja ili prijedloga za određena pitanja iz svoje nadležnosti, Vijeće studija može osnovati stalne i povremene komisije, odbore i druga pomoćna tijela. Pomoćna tijela iz stava (1) ovog člana nemaju pravo odlučivanja.

Član 20.

Ovaj Poslovnik donosi Nastavno-naučno vijeće Fakulteta većinom glasova od ukupnog broja članova. Izmjene i dopune ovog Poslovnika vrše se na način i po postupku predviđenom za njegovo donošenje. Tumačenje ovog Poslovnika i pojedinih njegovih odredbi vrši Vijeće Fakulteta.

Član 21.

Ovaj Poslovnik stupa na snagu i primjenjuje se danom donošenja.

Tekst Poslovnika koji je usvojen na sjednici Vijeća Fakulteta koji je potpisao dekan smatra se izvornikom Poslovnika.

DEKAN

Prof.dr. Nihad Fejzić

Broj: 04-02-715-2/18
Sarajevo, 11.10.2018. godine

